

歐

北

集

甌北集卷三十五 壬子

陽湖 趙翼 雲崧

新春招程霖巖湯蓉溪二丈暨莊學晦家緘齋小

集

少時遇老人輒思引而避豈知入暮年愛老轉有味新

春例宴客折簡首耆艾里中有皓首數叶商芝四年皆

開八秩

程湯皆七十八莊七十五緘齋亦七十

惟我齒猶未方當捧几杖敢便聯

襟襟惠然乃肯來竟援溫公例既免擁簪迎兼辭執醬

饋酒弗限三巡肴偶過五器維時近上元滿城簫鼓沸

寒家少長物華侈獨燈事紈縠薄若空玻璃透無滓料

珠與明角一一出新製榮光助豪飲引滿連舉解老拳

轟拇陣謎語闌闌戲醉上凍梨面胥變朱顏麗一笑五
老峰突起樽俎地眼前此數翁看似無關係庸知履舄
交中有昇平端一葉知秋風一花驗春氣自非仁壽期
曷此耆耄萃作詩傳他年或可洛社繼

上元後三日芷堂過訪草堂次日夢樓亦至皆未
有風約也喜而有作後二首專簡芷堂

鵲噪晴簷信有因南轅北轍聚茲晨

芷堂自雲間來
夢樓自京口至

相思何

止三秋月不速欣來兩故人垂白關心惟舊雨軟紅回
首已前塵草堂纔過收燈後連夜重開一甕春

草聖詩魔歷苦甘

夢樓書芷堂
詩皆必傳也

書生結習故多慙拾遺有疏

畱雙闕

芷堂以言
事改官

彌勒何年共一龕

夢樓長齋
奉佛已久

天下傳人儕

輩幾林間奇會翰林三惹他僮僕驚相笑都是迂疎不
急談

官似遊僧早打包初衣今遂返江郊胸中大庇千間厦
天上歸來一把茅空谷蘿牽人補屋畫梁泥落燕離巢

借他二陸雲間宅權寄江湖不繫匏

君家葆光居牡丹有名浙中
今屋將圯攜家往雲間書院

學海迷茫未有涯何來捷徑指褒斜會從館閣親前輩
及見詩文有作家下筆誰分雌覓入聲字買脂爭寫牡丹
花君歸好振扶輪手報國文章事正賒

是日招立菴緘齋同集皆王祝二君京師舊友也

立菴有詩次韻

到此無端笑語粗一堂裾屐總吾徒人難舊雨聯牀再

客與春風到座俱。酒氣白浮杯。浪湧燈光紅占月。輪孤
擅場汝士詩先就。壓倒香山老筆枯。

回首春明餞別筵。何期重此泛觥船。連翩冠蓋猶前日。
飄蕩江湖已暮年。驛路寄書千里遠。屋梁落月幾回圓。
還期笠屐頻來過。一曲賓雲再集仙。

子才舊遇相士胡炳文決其六十三生子七十六
考終後果如期生子一驗宜無不驗矣去歲七
十六遂飾巾待期者一年并預索同人挽詩及
歲除竟不死乃又作除夕告存詩遍遺親友爰
戲贈八絕句

料理行裝一載忙。飾巾仍不到樵陽。五更待漏天還早。

再吃朝房厚朴湯

添丁果驗洗兒綳預索灰釘乃不行術者莫非司馬懿
不能料平聲死只料生

眊筆閻羅未及勾遂教天網漏吞舟笑他袍笏風流宰
換作人閒夜不收

割肉偷桃狡獪才九閻都怕此人來故應天亦難安頓
纔召巫陽又赦回

開口吳兒有是非戴逵求死反招譏此翁名士非高士
本不將身繫少微

年是新年人是陳過年只算再來人便將來世連今世
省得輪迴又換身

難星須滿一年期未飲屠酥尚抱疑想見呂鼎爐底伏
幾番恐殺打雷時

莫怪輕災解縛纏前身原是點蒼仙

君自言前身點蒼山老猿

仙人一

劫能逃過又可嬉遊五百年

偕立菴艤舟亭看梅小飲次韻

巾屨相隨踏凍來艤舟亭叩寺門開出行有伴當攜杖
招飲無題偕看梅老榦過冬猶健骨早花隔歲已懷胎
憑欄漸覺山池暖淺綠波痕欲上苔

壽全惕莊巖使六十

扶桑弧矢耀朝曦鈴閣歡聲頌介眉共喜木公金母宴
正當浴佛飯僧時

公與夫人生辰在四月八九兩日

玉杯香浥澗薇露金帶圍

閩芍藥枝一片廣陵歌舞地滿城誰不視蕃禧
信有人閒富貴仙最繁華處駐旌旆百年士女春遊地
千里江淮月進錢最績早同劉晏粟清心仍酌隱之泉
欲知畫景舒長甚是恢台四月天

題謝蘊山觀察種梅圖

梅花本豔質滿樹瓊瑤瑛不幸遇老逋始以寒瘦名遣
伴枯僧寂差配幽人貞庸知冰雪中獨領羣芳萌公子
楊裘來美人緇袂迎此乃富貴氣豈徒含孤清所以商
位置未可冷淡成宮闈珠藥明堂敞玉照明襯以紅羅
麗吹之瓊筍瑋粉額壽陽點翠羽羅浮鳴庶幾稱花格
不落蕭柴荆先生文章氣朝日見九英家傍大庾嶺官

歷揚州城與梅有夙緣遷宦心仍繫搆軒曰補梅帶健
步移幾程繪圖誌韻事課種趁曉晴晏家一株白間以
姑蘇頰嫩香蓓蕾綻淡色胭脂輕公餘偶索笑春風逗
簾旌況有三嬌兒差肩花下行崔梨飢座耀杲蓮出水
擎其花相映發角立刺史鐙始知君庭階信多玉樹榮
此段好游賞一洗寒乞情紙帳太薄相竹籬嫌荒僮前
有何水部後有宋廣平與君迭爲三替梅作主盟梅亦
慶得所不專高潔聲陋彼孤山翁徒誇疎影橫官梅與
野梅固難一例評披圖爲梅幸問渠修幾生題罷忽自
笑吾方刷黃精

川立菴韻再寄夢樓芷堂

暮景難消硯礪粗剩將狂語駭胥徒漸成老物稀行輩
不薄今人尚耜俱木落自開山而出星繁愈顯月輪孤
道人靜洗觀空眼多少春華遞苑枯

天寒軟脚有賓筵都是抽帆到岸船故里過從乘下澤
昔人哀樂感中年一編書尚挑燈暗兩鬢霜慚對鏡圓
布韞芒鞋竹枝杖相期同作地行仙

送孔雲谷宰平樂

我所思兮在桂林喜君南去快登臨江山奇入楊蓮筆
簿領閒消宓子琴酒樹崗人稱壽皐弓衣蠻女繡詩鍼
舊遊曾記多遺跡邇管相煩一訪尋

送查映山漕使入都

家聲內相待丹楓

君曾祖聲山宮詹
康熙中直南書房

奉使今資轉漕功雙燕

塵清馳馬步千艘帆飽鯉魚風辭金暮夜虛齋白揮翰

雲烟畫燭紅報最殊遷有成例佇看節鉞鎮繁雄

管松崖
巡漕三

年卽解纜漕督今君亦巡漕
兩年最績久邀宸鑒故云

浙二子歌贈張仲雅程春廬兩孝廉

搖筆爲詩便傳世傳人將塞遍天地何以迢迢千百年
代只數人屈指計乃知異才不輕出河嶽英靈有深秘
老夫生平閱人多物色常愧一目羅何期垂白倦延訪
眼中突見雙巍峩張郎裾嚴名卿後閉戶披吟失昏晝
工夫手累十二基學殖胸包廿八宿險語不顧鬼膽破
奇思直穿月脇透危樞側足都盧緣猛火焦鬚霹靂門

程敲金將爛似泥來嚼鐵且爆如豆摘驪頷珠寧待睡

探虎穴子不畏吼一聲喝我數日聾

張君莊贈
七古一章

三昧乞君

半偈授程郎才大隘九州萬斛泉不擇地流銛鋒莫當

徹扎鏃厚力能負藏壑舟渥注神馬簡雲躡奇肱飛車

馭氣遊鯨波正澄紫碧澗蜃市忽幻青紅樓哥舒只持

槍半段栗碑兼使矛兩頭明珠走盤面面到機絲入扣

乙乙抽顧我豈當一指重對君方欲五體投

程君即拾拜叢
指趙吳蔣圖者

文章有神交有道晚年乃見此二妙倒屣遑知論輩行

款門幸不棄老耄譬如衰嫗遇麗娟又似退將逢票姚

斂眉敢復誇塗抹曳足猶思觀鼓噪褊衷我非不妬才

欲與一決爭行枚却恐難堅背水陣不如早築避風臺

乃知歐陽讓頭地正懼相逼先相推一言聊爲作嚆矢
天下人才浙二子他年應並坡谷傳此日敢將湜籍比
鹿馥園運使挽詞

忠節傳家守祖風經猷方仰濟時功生從燕趙悲歌處
力瘁江淮轉運中病久十圍腰帶減官清兩袖俸錢空
誰知身處脂膏地易簣幾難備飾終

有以明人詩文集二百餘種來售余所知者乃不
及十之二三深自愧聞見之陋而文人仰屋著
書不數百年終歸湮沒古今來如此者何限既
悼昔人亦行自嘆也感成四律

擔來卷帙滿軒櫺欲與先生面百城準擬驚人都有包

誰知點鬼也無名
詒符幾費雕鐫苦
元草殊慚鑒賞精
後視今猶今視昔
豈勝俯仰感殘榮

姓氏爭期著述留
百年難駐況千秋
馬空冀北誰朱汗
豕到遼東盡白頭
辛苦珍裘千集腋
混沌大海一浮漚
遺編不及能言鴨
自把名呼向客舟

不知曾費幾敲推
無限精靈付劫灰
傳不傳真皆有命
想非想豈盡無才
騙人嘔血奚囊錦
爲爾收魂醬瓿堆
始歎前賢深閱歷
只教痛飲掌中杯

手握雞毛筆一枝
妄思不朽計原癡
閭闔已欠圖生面
霧豹何曾剩死皮
過眼春華風一陣
到頭暮色雪千絲
却慚夢醒恒沙劫
已是吟髭撚斷時

揚州哭秋園之訃

老去朋舊稀晨星日寥落何當遠耗來又惜一个弱憶

我初歸田君已臥林壑都講兩同年

庚午與君同考
贅亦稱同年

握手成

隸萼遊爲同隊魚居比連巢鵲寓齋與君隣近過魯邾

析寒酸兩措大詎有豪舉作觴政三升沽局戲百錢博

罵座豎髮毛尋芳闕腰脚午飯市有脯夜歸門已鑰此

樂可忘死塵網安足縛我尋客揚州累君感離索自茲

不出門伏蟄如屈蠖我歸必相訪漸減舊嬰鑲因君衰

態增知我暮景薄一見一回驚動作數日惡豈期竟撒

手遙空馭笙鶴憶君六十時早自治衾櫛

君六十歲卽製斂
具余嘗有詩戲之

今又十八年已非意所度含飴到曾孫鑷白供笑噉松

君復奚憾獨我悲寂寞紛紛交游中腹舄漫交錯徵逐
水聚萍緩急風散萍誰復似此老痛癢不隔膜他時買
舟歸陳迹宛猶昨風淒白雲渡花冷紅梅閣都成黃公
鱸并負素車約魂遊渺何處蒼茫望遼廓

春農寓張氏樗園芍藥甚開招同未堂西巖松坪

既堂激楚諸同人讌集

婪尾花開地百弓白頭人擁艷粧紅赴招諧謔無生客
惜境繁華屬寓公投轄不辭深夜月翻階重憶舊春風
君言官中書只憐勝景誰爲主却累貧交治具工

壽松坪前輩七十

館閣清班廿載深恬懷中歲早抽簪二分月下清游地

十七科前老翰林持節才會收鐵網稱詩人共奉金針
看英自有長年相壽骨崢嶸貫頂心

笠屐圖中另一班茶烟禪榻愛蕭閒官餘熬火歸猶讀
妻有梅花老不鰥小部笙歌紅豆曲名園亭館綠楊灣
關西人占江南樂千載風流繼對山

連日翻閱前人詩戲作效子才體

古來好詩本有數可奈前人都佔去想他怕我生同時
先出世來搶佳句並驅已落第二層突過難尋更高處
恨不劫灰悉燒却讓我獨以一家著有人掩口笑我旁
世間美好無盡藏古人寧遂無餘地代有作者任取將
浣紗女凸出環燕拔山人去生關張真仙不藉舊丹火

神醫自有新藥方能勝大敵始稱勇豈就矮人乃見長
君自不登樓百尺空妬他人在上牀

未堂司寇招同陳繩武郡丞醺集二八女郎清歌
作酒因憶前歲亦與繩武就司寇花酒之飲今
侍客者非復舊人問知或嫁或死矣卽席感賦
又向東山聽艷歌司觥錄事有脩蛾奔輪歲月陶絲竹
嚼蠟心情狎綺羅綠髻斜欹花影亂朱顏暈入酒痕酡
書生不慣銷魂地只解樽前喚奈何

一樣明燈照綺筵不堪重問舊嬋娟月明環珮歸何處
江冷琵琶過別船翠羽聲啾眞一夢龍華會散未多年
白頭三老欣無恙風景那禁裂老顛

松坪墨栲園韻見貽仍次奉荅

老去英雄不臂弓愛吟佳句剔燈紅青餘我眼心相賞

白到君頭髮亦公童律清音歌板月

君新有小部笙歌之宴竟未見招

妓堂

香澤綺羅風

君嘲余在未堂處花酒之飲

衰年各有尋歡處異曲何妨一

樣工

春波射鴨竹枝弓久罷朝參踏軟紅恰好在來成二老
直將閒適傲三公詩篇漫興無唐韻樽酒清談有晉風
回首宦遊餘一笑古粧已謝入時工

春農寓齋窗外忽生新竹一枝賦詩自誇戲贈

與可千尋已覺長笑君譽竹更無雙揚州寓舍新篁茁

道自家園透過江

君詩疑是陵園字子外校冒雨渡春江

月明鸞尾影娑娑掩映文窻隔皂羅莫是惠州都監女
夜寒偷看老東坡

孤竹君曾傳二子勸君添个鳳池毛白頭笑倚欄杆說

階下龍孫爾許高

君孫已選
拔明經

幽棲借得好林巒天與蒼筠伴歲寒便抵掛單童子寺
一枝日日報平安

輓唐再可

自我來揚州徵逐半舊雨能詩唐子西相識自軍府

余從
唐

南君方官騰
越州卽相識

天南一以別重逢快傾吐回首古戰場笑脫

兵塵苦江城多素心晨夕共樂數雞豚聯近局折簡迭
爲主花箋險韻麝葉格意錢賭談深燭屢跋飲醉蔗或

舞荏苒七八年風流映江潯就中君最健逐隊勇獨賈
蕭閒七十翁髮不自一縷非染陸展藥詎飲張蒼乳熊
經而烏伸祕術擅禽五丹元養鉛汞胎息調龍虎是以
老不衰徒步鐵脚股方常享大耋光景日正午何期遽
飾巾霞飛倏化羽風輪一霎吹殿塌靈光魯衰年戀朋
舊豈必交肺腑老輩漸無多缺一難再補去歲悲吳剛
已赴脩月斧通鑑去歲歿今又弱一个益傷少儔伍流光下坂
大暮景穿縞弩生死臂屈伸今昔首仰俯哭君行自傷
等是殘更鼓

秋帆制府遠寄文幣珍裘詩以誌謝

故人高誼足千秋雙鯉書來道阻修
襦褐久安驚肅段

綈袍已感況珍裘杜陵漫想千閒厦溫嶠原居第一流
愧我空傳倚樓號不來黃鶴一登樓

一自春明散履綦雲泥從此跡差池丹黃自勘焚餘草
黑白閒看局外棋官罷逢人多醉尉老狂乞食到歌姬
如何寂寞滄江上尚有郇羹念故知

程霖岩湯蓉溪楊靜叔汪屏周四人皆甲午生舉
同甲會繪圖紀盛次韻奉題

耆英高會列長筵難得生辰共一年健比杜陵藍水宴
數符商嶺紫芝仙官雖大小皆華髮齒不參差恰並肩
漫向香山圖九老四人同甲倍堪傳

當時羊酒賀弧懸今日俱看享大年豈判虞庠鄉國老

恰如句曲弟兄仙山中宏景將方眼海上洪崖許拍肩
題筆幾忘生也晚欲添五老作圖傳

孫介眉太守招同霖岩丈暨立菴樸齋食鱸魚頭
羹戲爲作歌

孫公治具擅精巧就中鱸魚羹更好習家故有百畝池
魚出君家鰓蕩網得修鱗脩清醪從來一物有一味一味中又各

分地猩以脣見珍熊因掌斯嗜豪誇紫駝峯官賞爛羊
胃雞蹠矜厨娘牛心啖名士卽以水族論腴髻應候異
蚌推瑤柱鮮鼈取甲裳膩是知一物身肉又別粗細鱸
魚之美乃在頭頭大於身如塊整雖不能戴蓬山觸不
周却有雋味凝入活髑髏本非冬烘狀詎有風眩愁負

此殊九秘不得張腮鼓頰突兩眸似欲出頭地策勲岸
頭俟肯作元談居士縮頸項并非白簡參政鯁咽喉先
生顧而笑其中有奧妙爾既奮頭願作高敖曹何妨成
爾斷頭將軍號於焉奏車斤藉席藁調以滑甘滌澀融
芼以辛辣桂薑擣火攻炭選鵝鵠青武煨文煎百沸到
湯老客來薄暮始設食割烹乃自天未曉一盤如缸擎
出堂果然香味先向鼻觀繞豈無水陸諸珍並羅列都
作元白被壓倒老夫不覺攘臂舉饒奴太岳今朝纔一
飽朶頤且快我咬咀碎首那顧他苦惱此魚昨夜遊濠
梁定已夢人伏而鹽其腦

題長椿寺九蓮菩薩畫像

改舊作

城西南寺名長椿中有寶繪姿天人貴極重閣禪翟賤
誠皈依棄戒衣尊當日隆稱觀自在至今遺像儼生存
從來母后當冲帝每利藐孤擅神器女中堯舜有幾人
朝端平勃愁無計賤婢驕稱中大人權閹寢侈十常侍
太廟祠披袞服臨外家臘改黑貂祭鶴將木刻寵新歡
幾以人爲讐舊嬖飄絮猶歌楊白花摘瓜幾盡黃臺蒂
獨有前朝家法嚴尤推孝定性和恬恐辜末命黃羅托
不慕朝儀紫袖瞻政委相公批勅尾課勤幼主讀書簽
經筵進講親催盟曲部聽歌痛示矻期屆大婚移殿早
禮尊正嫡過宮謙和熹應愧常稱制光獻猶多一撤簾
國儲未定妖書起官家汝亦都人子從此青宮有所歸

一語勝他千御史璇室提躬四十春九蓮菩薩本前身
漢家賢母師黃老今奉如來亦淨因湧現化城輝紺碧
莊嚴香界布金銀要令人識清修業特賜禪林法相眞
着色生綃閣立本白描神筆李公麟想當玉軸頒來日
繡繖珠旛溫九闔諸佛也應投地拜榮光萬丈耀金輪
轉眼孫曾遭百六丹青也入滄桑錄蓮花世界滿刀兵
貝葉經堂橫血肉可憐萬里好山河無地可懸圖一幅
社飯誰還念老身僧寮聊復存遺蹟深谷高陵何代無
微聲終自冠椒塗道清死免僉名辱鈞弋生偏享福殊
來自西天乘鳳羽

是時禁中建九蓮閣塑菩薩像跨一鳳而九首見楊億輔玉堂詩說

去歸南海比

龍胡慈容滿月零纖在羞殺臨朝武后圖

岳祠銅爵

桐鄉金德輿得一銅爵曰內鑄精忠報國字旁
劉岳珂建造蓋宋阜陵賜耶岳忠武後珂所製
祠中祭器也咏者甚多爲賦四律

鄂國祠堂禮器存土花碧不蝕精魂壯懷未飲黃龍酒

故物如傳白獸尊金已鑄身當日痛

岳元聲精忠類編宋孝宗
藩邸時知公寃以金鑄其

像字仍涅背舊時痕金陀坊裏文孫製始信忠勲有後

昆

歎識摩挲重感傷英雄豈愛一杯漿豐功不畫凌烟閣
奇禍翻遭偃月堂把此定應浮大白至今空與法流黃
稍欣一樣爐鉅力鐵像摹成跪墓旁

賜卹曾盛湛露波知公遺恨尚難磨獄冤雖已昭三字
家祭終非告兩河聊抵鼎銘傳世古何須圭瓚報功多
滄桑劫後金甌碎剩此殘樽作象犧

量容不及二升觚偏有興亡繫故都服匿兩宮終飲酪

背鬼千騎忍提壺

背鬼本隨身酒器
公以名其親軍

珍逾武肅傳家券氣壓

宣和博古圖完璧倘歸祠廟祭椒馨應更滿西湖

盧抱經學士以雍正壬子補弟子員今歲壬子又

見諸生遊庠作重逢入津詩紀事敬賀四律

六十年前泮水塘又逢擢秀蔚成行佛家最重初禪地

老將重經舊戰場好繼弁山編盛事

王弁洲有皇
明盛事錄

已同魯

殿歸靈光阿婆歲晚看新嫁未免風情憶靚粧

宮墻重到髣毛斑又見新郎出綴班尚有昔年題字柱
便當古蹟棄繻關遙知見獵心還壯可有追風足許攀
恰似六壬前定數周天花早已循環

局外人看局內棋頭巾久作弁髦遺誰知白首窮經日
還似青衿肄雅時校字有訛階掃葉借書無券酒盈甌
諸生莫漫扳同歲一一風規是汝師

見恆河性故依然迴憶初程發朝年汲古遂探羣玉府
步虛直到大羅天榮持籜節爲星使老曳筇枝作地仙
定滿荀卿三祭酒看公會到曲江筵

松坪七旬稱慶余已有詩奉賀嗣君次生又索屏
風詞爰補前詩所未及

已抒長句侑瓊卮又索屏風介壽詞恰似海籌多益善
祝公添歲我添詩

早登仕籍早歸田不用持籌但使錢詩酒笙歌娛到老
始知世有地行仙

烟花夢久斷塵根禪榻旁無翠黛痕早喜析薪能負荷
不須多子但多孫

館閣常疎步屨塵轉於林下得相親十年邗水過從久
我亦隨公作老人

題岫雲女史雙清閣詩本

沈既堂先生女

詞垣宿素沈東陽家學流芬奕葉長不獨敬倫能似父
掃眉嬌女亦文章

隔紗未試解圍兵展卷偏教見性情絕似李暮牆外聽
一枝玉笛最分明

憶媚思親點筆遲蘭荃香入墨痕滋始知闔閣眞風雅
不在香奩艷體詩

略識之無便目存生平未上學堂門由來慧業關天授
待有人教已鈍根

繡閣才名錢孟釧

吾鄉錢文敏公女孟釧最工詩

何當旗鼓對鳴甄玉臺他

日爲新咏江北江南兩女仙

附和詩

沈在秀 岫雲

於人今喜見歐陽風雅淵源教澤長一部新詩傳萬
口得聞夫子是文章

元凱胸羅武庫兵悠然林下見高情挑燈夜誦琳瑯
句不覺晨曦已漏明

自愧工夫領悟遲何當小草感培植雖麟遺則傳三
百未學周南敢論詩

檢點巾箱偶命存幸承庭訓卽師門別裁僞體吾家
派綺麗原難見本根

未肯香奩咏翠鈿門牆安定況陶甄從今更奉金丹
藥凡骨何時得換仙

送億孫入都補中書

是我歸田歲看君出仕纔釣遊雖雅尚館閣正需才著
述成家久江山攬轡來秋風方颯爽十幅布帆開

舊德尚書重華資學士清龍頭家故物鳳沼宦初程暫
草綸扉制行題杏苑名烏衣門第在待爾振英聲
薇省吾曾直歸耕跡久違紗誰籠壁字笥已疊朝衣去
國桃千樹流年柳十圍巢痕想如舊回首五雲飛
鄉國稀同調惟君結契深文章千古事甘苦兩人心此
去關河阻吾衰歲月駛尚能重見否不覺涕沾襟

京口訪夢樓聽其雛姬度曲

廿載清齋禮佛香翻將禪悅寄紅粧花鬢十六天魔舞
另是僧家一道場

手剔銀缸畫燭明愛留客坐聽新聲人間何限霓裳曲
出自家姬覺有情

醖段新翻指點勞要令姿致極妖嬈自家忘却便便腹
只管教他學柳腰

恐將寒儉惹人嫌特與新裁綺縠織蓮步出堂嬌顧影
傲他率地夏侯簾

笑我家貧赤脚多空思百琲買姑娥鄭康成婢香山姬
只解吟詩不解歌

城鎗催人曲未終令嚴帥府鼓鼙鼙出城笑這將軍俗
不及羊羔老党公

城鎗係滿帥所掌
定更後卽難出城

遊棲霞

生平慕栖霞登覽苦不早諸兒赴鄉闈水行乃便道我
出遂有名借題曰送考路循新開河扁舟一帆嫺時方

近場屋文貴揣摩巧一路好景光戒勿心目擾兒輩竊
有言訓詞非不好夫子教我正乃自愛游眺

秋賦集多士千艘泊江隈守風各無聊齊叩山門開我
行雜其中躡險凌崔嵬山僧了不識疑亦赴舉來憫其
髡似雪勉以心勿灰庸知早通籍廿年掛冠回入羣鳥
不亂忘機鷗無猜乃知我顏狀未改老秀才

茲山亦何奇樹多徑又曲松杉萬株森磴道百盤複滾
翠襲人衣紆途炫人目遂覺數里間盡日探不足惜哉
少山泉一池僅盈掬安得瀑布飛澗流亦不續譬如好
顏面只欠秋波淥天地無全功可以悟盈縮

昔賢捨宅處遺跡蕪已久近時尹相公實始剔巖數爲

邀 翠華臨意匠運不苟剗土出石壁削坡監棋枰
使靈境開快得未曾有公也遺愛多惠政十八九至今
三十年漸不掛人口惟數茲山緣猶知出公手山來身
後名有托斯不朽所以羊叔子往往醉峴首

金陵過前明故宮城

廣衢九軌接城闔勝國遺規半未湮流水不滿金粉氣
故宮已見採樵人百年史冊殘棋譜一片江山浩劫塵
老去只貪娛景物漸無閒淚爲沾巾

留別子才

清游訪遍六朝基又向隨園接履綦卿亦流連中一物
我無文字外相知延年早入長生籍想昔著錄新添本事

詩

君方續
續詩話

莫怪浮屠不三宿已勝返棹剡溪時

泊燕子磯遊永濟寺

名藍風景故依然屋宇無多得勢偏壁立山疑神斧削
岩栖僧作鳥巢禪記遊無復前題字攬勝欣留再到緣
一樹杪櫺舊相識曾經見我黑頭年

遊金陵雜詩

十幅蒲帆兩草鞋借名送考到秦淮老夫別有西來意
半爲栖霞半箇齋

蹇衛牽來狗不如跨鞍難穩且呼車生平跋馬千山遍

老去翻愁一秃驢

欲騎驢遊栖霞老不
能踏鞍仍呼符輿

入筆雙高不可攀雲烟俱養掩禪關京華四十年前友

頭白相逢在攝山

老友張玉川精繪事
久寓栖霞是日同遊

逆風船似挽強弓
篙纜爭途夾港中
忽漫開帆天解闕

此船不占彼船風

遊栖霞之次
日順風出江

興亡局似去來湖
南部烟花尙未消
丁字簾前一條水

河房燈火見前朝

名紙填門奉玷壇
隨園豪舉欲留餐
靈山五百阿羅漢

一个觀音請客難

子才招飲余以
其客多故不赴

燕子磯頭落日懸
支筇重到廿餘年
阻風中酒曾遊地

垂老經過倍惘然

余昔自黔歸守風
燕子磯凡九日

揚帆百里不多時
諺語江湖可入詩
只有快船無快馬

詩家無此句新奇

雞鳴山蔣侯廟後殿塑仙妹蓋卽其眷屬也不知
何年訛爲織女遂有織造使者葺而新之并蔣
侯像亦加飾焉天神人鬼混爲一家可發一笑
戲爲詩正之

一尉逐賊死現神自孫吳至今雞鳴山遺廟尙一區冕
旒坐正殿後宮列羣妹想卽其眷屬祠祠聯禱諭何年
訛織女錦機縑絲絢匏瓜久獨處善保千金軀何至寄
人廬弗隔一戶樞仙靈已無邪想不妨耦俱不然瓜李
嫌竟滅禮法拘己貪宅分廊便可雲行巫渡不藉橋鵲
飛寧煩罵鳧翻笑七夕期歲只一歡娛由來愚俗謬神
鬼亦被誣在昔梁山神配以汾陰姑亦有杜十娘遣嫁

伍髭鬚甚至帝舜廟武后竝結趺攘取娥英位獨占有
鰥虞幻瀆太不經同此堪胡盧獨恠蔣子文身後遇何
殊紫髯已肇祀侯封號中都六朝加帝稱肝饗羣奔趨
拔白晝出盪刀槩耀市衢後雖氣燄衰僅祭茲山隅乃
又屈天孫來伴絳羅幙生以忠殞命死有色報劬奇緣
出非望真乃樂不圖只愁上界聞按律問攘踰齊姜本
非偶羅敷自有夫亟防牽牛郎來援河鼓枹

金川門

大本堂摧懿文死應立燕王爲太子以長以賢事皆順
屏孫亦得免刀几乃留弱幹制強枝召亂本由洪武起
臨濠奮跡開草昧豪傑才兼聖賢理目不知書性有書

每就儒生講經旨檀弓開卷重立孫春秋特筆譏逆祀
千年成說牢不破此語燕閒久入耳遂將神器付太孫
分國諸王稟同軌豈知弊卽起蕭牆臂小何能使巨指
削籬方工通錯策構兵遂蹈張方壘王師轉戰力不支
夜半翻城九江李袞冕燿灰火滿天搢紳赤族血流水
可憐十六金川門慘過晉家蕩陰里向使當初改建儲
叔正青宮姪朱邸臨淄自能厚本支臨賀豈遂干倫紀
何至一家骨肉殘冢嗣翻成若敖鬼我來經過吊陳跡
終覺高皇計失此處常無事貴守經銷患未形難據禮
徒將誤國咎方黃猶未窮源推禍始

靈谷寺

朝陽門外訪名藍一徑雲深萬綠參真主生前求葬地
神僧死後徙禪龕無梁殿築花甃厚寺中無梁殿最雄敞過潁泉流
竹覓甘立竿於泉脉處泉從竿中逆上流入僧厨回首孝陵惟墓戶鐘魚翻遶一瞿
曇

水晶屏

孝陵衛觀音寺座後屏乃一石渾成高廣各二
丈厚三尺有奇質細膩如玉色微紅石之大且
美人間殆無兩也背後鐫水晶屏三字

此石應無兩規方二丈羸豈從靈驚斷除是巨鼇擎端
正堪丹屐光融似水晶倘非神運到壓殺萬牛耕

報恩寺塔二十四韻

傑構崇千尺前朝一刹竿事因慚德起財以報恩殫欲
借義蒿感聊漁骨肉殘天開新宰堵地鎮古長干戰伐
矜餘力莊嚴出大觀輪蹄精衛運埏埴女媧搏遂臨浮
圖峻平臨象緯寒九層危折屐萬堞俯憑欄杳棟霞連
紫琉璃日耀丹江山窮遠目金碧駭飛翰勢極凌虛迴
工尤入細難天紋浮翡翠石質琢琅玕梯級千栳轉龕
燈百盞攢綺疏雲錦繡畫壁海波瀾累簀衣無縫巧墻
額豈廢是誰都料匠幾費管勾官想見尖初合爭訣續
不刊幽冥資薦福靈爽慰貽安不有捫心愧焉成仰面
看直思欺佛慧豈果得親歡世已更碁劫基猶鞏石磐
天樞唐折柱靈掌漢傾盤獨此雄都會常教聳戒壇惟

應歸佛力恩怨總無端

可型內弟自歐寧罷官歸慰贈

出宰纔三載匆匆似掛單
腐儒爲吏拙貧宦事人難
贏得顛毛白聊嘗荔子丹
多君瀟洒意餒破不回看

只道琴堂好全家可食租
翻無臺避債幾置獄追逋
劉寵錢能幾平原本米孰
輸妻孥滯甌越典賣到天吳

憶曾官沛上頗耐廣文貧
臺有歌風蹟門多立雪人
至今思牧舊轉覺勝勞薪
諫果多回味知君念昔因

賴有西江潤能虛涸轍枯

令姪合州牧印金氏
借數千金始得歸

始知家孝友堪

共命艱虞祖父遺風厚
詩書食報劬得歸聊慰意先業

本寒儒

郡城菊事甚盛與立巷雲驤曉東子蕃緘齋更番

治具爲看花之會流連匝月不可無詩

人生何者是眞福飲酒看花一生足只愁此願徒虛語
讓他樂死羲之獨今年秋稔人豪華家家買菊堆成霞
老夫聞之興勃發招邀同志爲窮奢看花先不可無酒
治具更番賂適口官場珍錯盡不用惟取活殺飛潛走
黃雀綿厚耐咬咀紫蠟甲堅費剔剖就中尤數高家肴
綠頭雄鴨九斤九累入啖到腹彭亨翻惱厨娘太好手
有時酒後出看花相攜闖過東西家到門不復煩典謁
直入赫鯨雙鬣鴉亦有自排花當去聲整徹夜張燈對花
飲紅燭高燒照靚粧坐到四更風露冷間日必一集一

集必竟日那顧酒債增但恐花事畢嗚呼此樂不易得
偶然遇之莫輕擲百年能有幾閒時一鄉能有幾閒客
不見袍韉踏鼓人陶家籬畔無游跡

至揚州約同人作青魚會會將遍適子才至又更
互設饌迭相招陪今年口福殊勝也戲呈子才
及諸同人

先生今年口福高在家一月飫老饕揚州又作青魚會
招邀素心凡幾輩此魚宜冬不宜夏及冬不食復何待
揚人不識魚味殊饒欸只解尋腹腴怪我專以骨敬客
留肉自享主訟無久之始悟美在此近骨者佳頭與尾
遂令此魚價頓昂哄得滿城動食指同儕排日迭傳杯

忙殺籃輿往復回
吃到輪番剛欲遍
隔江又報故人來
故人來復遞相款
雅集重開續宴衍
連朝傳食東西家
自家翻覺厨烟斷
噫嘻乎人生真樂
惟食色少年已過
不必說久將嚼蠟
看橫陳只要殘牙
快舖啜如此歡場
動淡旬庶幾不負
暮年身斷蘼咬菜
成何事老去甘爲
飮食人

題錢曙川竹初庵圖

圖名竹初庵宜寫
簣簣谷竹萌桃正
華乃以桃伴竹寫
出十株百株紅映
入三竿兩竿綠作
圖時正擁印牀敢
期結願後必償圖
成七年竟踐諾歸
購卿媛手荒度青
蛻落到雅人手幻
出荆關得意作雖
無萬竹千桃花小

山有猗池有猗輞川長卷縮本暮半畝中廻幾林薄君
才況擅畫詩書興到解衣一磅礴幼與遂置邱壑裏身
兼富貴神仙樂看君出仕看君歸我亦當年早息機只
爲買山錢太少至今未就釣魚磯羨君圍成頭尚黑不
改圖中好顏色趁取腰強脚健年儘消臨水登山力其
高或可攀其年不可及

題徐荆山憲副水石清娛遺照

中丞遺像滿清芬水竹翛然寄所欣生有封章薦祀典

公曾請其
母之靈柩行

死曾名筆作碑文

公墓誌爲某
竹垞所作

百年人已歸青史一

畝宮猶傍白雲

公家在
自歸隱

前輩風期宛堪挹披圖敢惜辨香

薰

奇中丞麗川由江南藩伯擢撫本省子才爲作江

左歡聲圖索題卽次子才韻

詔恩榮拜八綢馳父老紛迎樂可知惠澤久看千里潤
人情已覺十年遲從知位重才逾展最喜官遷地不移
畫手巧傳驂篠景絕勝頌魯有奚斯

襟期朗徹玉壺冰保障東南力獨勝大庇正恢寒士厦
先容豈有導師燈名叨說項才真忝身得瞻韓價自增
公在平南與從未接聞不知姓名何以得華亭
足屬吏廉謝詩並寄問今秋於公季次
從此便應來負弩吳閭一水
接毘陵

眞州蕭娘製糕餅最有名人呼爲蕭美人點心子
才覓以餽中丞中丞寵之以詩一時傳爲佳話

余亦作六絕句

帶得脂香價便高一奩粉餌入風騷美人手段才人筆
補出劉郎九日糕

纖纖素手擅拈針改製餛飩味自深這箇麻姑好指爪
不搔人背點人心

已是徐娘半老時

年已五十餘

芳名猶重美人貽不知年少當

爐日幾許游人妬餅師

一技成家動貴游遂憑食譜姓名留蘇東坡肉眉公餅
此女公然另出頭

饋節聊同獻曝情竟邀椽筆賜褒榮始知大雅羅材廣
錄到人間畫餅名

麴車涎早溢殘牙曲盤何當送我家爲語故人應捧腹
老饕饒口嚼梅花

遊高旻寺贈清涼上人

來往頻年數禪關總未登誰知三寶地獨有一詩僧定
力降魔杵圓光禮佛燈從今已公屋每過好支藤

凝拂安心處烟凝篤耨香稱詩才子氣持戒少年場芥
孔須彌座鈴言替戾岡神通羅什大開口喫針鉞

最是禪堂寂團蕉證淨因結趺成土偶緘口豈金人柳

或將生肘花應不染身出家殊太苦吾不羨修真

是多觀
僧諱

船馬交馳處中藏地百弓始知虛室白能隔軟塵紅身
已安單穩才仍出世雄繇流三百輩齊守本師風

白頭

白頭何復傍人門口舌徒爭覆水盆豈忍伯仁由我死
可憐禹錫有親存緣撞身本危竿試救劫棋難敗局翻
只有掩關澄水觀任他塵事日囂喧

甌北集卷三十六

癸丑

陽湖 趙翼 雲松

癸丑元日樹齋大司馬奉使過常余偕達夫敬輿
可型迎謁舟次皆少時與公同筆硯友也別後
御寄

新歲纔開一葉莫喜逢畫蕩過郵亭故人天上班卿月
野老田間候使星馳傳旌麾催治獄對牀風雨憶橫經
感公不隔雲泥迹頭白相看眼倍青

蓉溪八十壽詩

錦堂瑞色麗朝曦八秩筵開北斗樞官喜鯉庭開府貴
人欽鶴髮杖朝尊寶珈同拜三霄誥繡褱行看五代

孫其識韶華春正永早梅花放恰初暄

家門鼎盛甲當時厚德偏隆養福基困粟萬鍾分歲歉
突烟幾處待晨炊聞尋山水呼雙槳偶遇笙歌醉一卮
黃色上眉丹渥而會看老健到期頤

陳渡橋唐荆川讀書處

前賢遺點綠楊灣水木清華遠市闌並世文章無北地
當年聲望此東山盛名難免求全毀晚節終看歷試艱
剩有門前一泓水曾經照見鬢毛斑

壽程霖巖丈八十

文恭公弟

八秩開嘉慶三朝閱太平家聲賢宰相耆德老書生
暫擁臯比講會稽仍歸馬牧耕行藏兩無忝江左一儒

英

師資曾撰杖後學仰傳弓名避三徵外文高四皓中

溪江屏周楊靜叔與公年皆八十故以四皓稱之

門原多立雪帳已敵扶風老斲輪無恙

猶能指點工

猶子仍親子文星兼壽星邱明甫作傳伏勝老傳經花

萼編遺集

曾刻文恭公集

山雲憶敬亭祝公開眼笑頻看稻孫青

公兩目俱盲故視之

去冬已辭安定講席今麗川中丞又欲挽留詩以

誌意

平山堂下幾沿洄一覺揚州夢已回
豈可待人麾使去且休勸我食嗟來
驪駒駕或催
王式駿骨求空寵郭隗

小別竹西歌吹路好風吹處片帆開

白桃花和旣堂

一種穠華玉作根曼殊獨壓衆芳繁武溪水映春無色
露井風開月有痕莫是綈衣還入夢直教紅粉不銷魂
夕陽倩影欣相對翻愧酡顏醉酒尊

錯認梨花帶雨嬌一枝素艷倍天天映來人面無紅暈
寫出春魂有白描絕色東隣顏太潔淡粧西子粉都消
崔娘枉自誇能醺不用兼將雪水調

仙源花正絳天明紅雨香中獨潔清縱使近朱寧變赤
自甘守素不更名渡江船看人如玉種樹庭應觀號瓊
何物吳娃能白戰胭脂陣總豎降旌

曲譜休歌點絳脣笑他俗艷惹遊塵月明台洞無尋處
春過羅浮有替身號國蛾眉晨淡掃小憐玉體夜橫陳
劉郎今亦頭如雪別與流連結淨因

奴子陸喜善蒸鴨子才食而甘之命其庖人用門
生帖拜喜爲師遂授法而去戲調子才

宋嫂誇魚羹薛庖精羊腍食單雖鄙事亦貴專門業吾
家有僕喜燒鴨妙烹割香味蜜釀花火功矢徹扎熬之
汁漬融和以滌滄滑濃可使脣膠爛不煩齒齧何來一
老饕飽啖到釜戛頓起乞隣食潛用媚寵點傳薪冀密
授攤香乃虔謁厨夫稱門生奇聞競喧聒古來擅絕技
專席恐人奪鴛針繡不度羿弓引不發王戎賣佳李去

核斷萌枿衛公教用兵十僅示七八喜也倘自秘應守
六二括乃被一刺投欣然詔先達淺夫好爲師竟爾付
衣鉢發硯矜刃恢出囊使穎脫遂使郇公厨有人敢相
軋若彷彿石崇例此奴便應殺一笑且置之姑勿雞豚察
但問何以報手訣謝披豁飲水當思源上樓勿梯拔亟
買綠頭雄烹餽製如法挈榼獻師門以代脩脯納助我
蒸瓠餐一快雙箸夾

編詩

舊稿叢殘手自編千金敝帚護持堅可憐賣到街頭去
盡日無人出一錢

松坪招飲樓園適有歌伶欲來奏技遂張燈演劇

夜分乃罷

樂事真成辦咄嗟賓筵忽漫集
箏琶張燈直壓團圓月
徵曲如移頃刻花人柳長條春旖旎
官梅梳影夜橫斜
乞漿得酒真非望
今歲歡場第一家

看花

暖風不用故裘披
爭約看花醉酒卮
桃李何知偏湊巧
開來正可典衣時

偕同人出城看花

東風吹出江南春
點染桃柳色色新
好花滿路待人看
我不一顧花應頤
爰偕素心曉出郭
芒鞋踏草柔如茵
必具行厨始游賞
此富者事非吾倫
酒旗招飲隨處有

百錢可醉三兩人下箸何妨鮭菜薄勸觴豈必蛾眉顰
談仙說鬼驚四座見者或疑呂洞賓遂令歡場擅措大
長魚大肉何足云坡公嶺南食蠔美此味勿使朝官聞
苦雨
竟月淋浪雨脚斜麥苗萎盡泣農家可憐兒女多情甚
一樣傷心爲惜花

同年張慕青侍讀來主安定講席喜贈

曲江宴罷久離羣邇水相逢話舊殷乍到君如新令尹
重來我已故將軍乘輶楚甸吞雲夢橐筆遼陽校典墳
君曾視學湖北近赴
盛京校四庫書歸今日揚州同作客一尊好共細論文

櫻園牡丹盛開春農招集卽事

簪盞依然舊雨來牡丹艷正發重臺林亭久作荊州借
冠蓋都從蔣徑開名輩清談霏屑玉書生豪舉賞花杯
劇憐人事更新故酒罷蒼茫首重回

所見

白玉盤中發寶光洞天清供好排當珍珠妝出綉梅瓣
無價奇花惜不香

述菴司寇新刻大集見貽展誦之餘爲題長句兼

懷亡友璞函

塞翁失馬何足惜先生奇遭在削籍紫薇郎剩白衣身
萬里從戎歷重譯當日都門送臨賀分岐誰不悲遷斥
豈知官秩從此高詩亦從此窮風騷滇南三載蜀五載

踏徧徼外地不毛路爭鳥道入穹漢渡尋象迹翻崩濤
炎鄉三冬輓雷吼陰嶺六月陣雪饗洪荒以來人不到
奇景留待公鑱雕吟毫旣得江山助况值羽書正馳騫
弓刀隊裏一毛錐百萬貔貅聽指顧矛頭米浙咽風餐
盾鼻墨磨揮露布一礮人頭落滿空千燈鬼火攔前路
裏屍之革浴血刀逼出才人操命句遂令椽筆鑄偉詞
上掩白狼下朱鷺卽今奏凱十五年卿月崇班已屢遷
煌煌大集亦鏤版光照四裔聲摩天就中突過黃初處
終屬淋漓橫槊篇倘非參軍入蠻府平步公卿享華膺
雄畧雖餘捫蝨談壯心誰激聞雞舞南山詩不如北征
只爲未經戎馬苦乃知絕域烽烟中正是玉成大名古

獨憶當年老趙岐與公同出不同歸挑燈別閨姬隅集

痛絕空山暴骨時

璞內從軍漢蜀有姬隅集十卷近亦刻成

與邵松阿別

隅集

幾三十年中間雖邂逅杭州交語

未及寸燭也今夏始至虞山奉謁承招同蘇園

公吳竹橋鮑景畧諸名流讌集撫今追昔卽席

奉呈

車笠論交誼最親別來常恐見無因紫薇共直如前日

白首同年尙幾人隙影難追駒過迹巢痕空記燕棲塵

相逢未暇離懷訴先把形容認个真

七十耆年已舉觥

君今歲七十

胸中五嶽尚崢嶸未甘身享容

容福或避名呼觸觸生

君名齊熊故以熊安生事爲戲

風教每持前輩論文

章喜爲後生許魯靈光殿孤撐在也算人間一老成
朋簪招集德星堂都爲留髡遞勸觴自是客因叩令重
非關人看子瞻忙廿年別緒聯牀雨四海虛名滿鬢霜
畧似京華文酒譙觚稜回首路茫茫

松阿孫匏風攜其六歲兒出見余於邵氏已閱四
世矣口占贈之

游射真成大父行桐孫今又擢枝芳年時曾見而翁拜
與汝嬌兒一樣長

匏風夫人鮑尊古有題拙集長句松阿出以相示
欣荷之餘走筆爲謝

敢憑下里索鍾期意外知音有翠眉始識故人交誼厚

一家都誦老夫詩

下語評量費綵毫恰如鳥爪癢邊搔從教萬口流傳遍
那及茗華一字褒

若遇隨園拾唾珠定應誇作女高徒
才子輯詩話多聞秀詩輒利女弟子老夫不敢衙官屈稽首仙臺拜鮑姑

安樂窩中有賞音家門風雅宿緣深遙知問寢重闌罷
閒和堯夫擊壤吟

莫怪香閣解擎箋清才多聚一門偏劉三娘子詩情麗
句法原從孝綽傳
謂令兄景略

和尊古見題原韻

韋幔謝紗事已古閨闈惟有胭脂虎豈知才媛出虞山

筆妙能將化工補丹鉛點勘各家詩一串牟尼手中數
許量不妄下雌黃緣識此中歷甘苦獨慚衰朽才已盡
褻績餽飮奚足取方愁醬餗覆殘篇乃辱藥籠收敗鼓
鮑姑竟作鮑叔知爲我揚眉氣一吐噓拂得藉雲中君
聲名已過城南杜

附原作

鮑 印 尊古

先生才足高千古下筆如龍復如虎九天珠玉咳唾
成無縫天衣不須補拜袁哭蔣尚未然餘論紛紜何
足數先生得名不知榮先生作詩不知苦但覺山水
秀靈氣取之無碍任我取詞源浩渺翻水族才思捷
打催花鼓讀之未竟更漏盡燭花紅燄爲詩吐先生

先生詩必傳今之甌北古老杜

嘉禾道中

長水塘邊四月天
女桑禿似小兒拳
不知葉爲蠶痕剪
擬賦婆娑枯樹篇

觀煮繭

三起三眠繭始成
沸湯投入寂無聲
可憐力救人間冷
嘔盡心肝便就烹

杭州謁楊莊鹺使時由兩淮調任兼理織造

扁舟訪舊浙江潮
又荷旌麾遠出郊
楊柳西湖三月暮
梅花東閣十年交
離懷常托相思草
宦跡原如不繫匏
雅量服公真灑落
不因杯水感堂坳

白簡星馳挽不迴風聲小警殷其雷

在揚州以勅奏斬希事亦有小警

名留

豬鬣開前說身過狼牙嶺上來補裘功應光黼黻調羹

才本擅鹽梅移官恰占湖山勝儘許清游把酒杯

豬鬣開見西陽

難姐狼牙嶺

見元豐山詩

德生庵夜坐

晏坐佛堂深燈燧漏欲沉上方清淨地獨客寂寥心賊

不偷春夢鬼能聽夜吟

是夕有所警云

湖光微閃動並月上高

岑

靈隱寺

華嚴樓閣接青旻寶刹聲雄震八垠喬木百尋真古寺

名山千載幾遊人一亭寒瀨常流鄉音滿地清陰不起塵

何事飛來不飛去，驚峯亦愛此棲真。

登六和塔

千尋窳塔鎮南邦，背却西湖獨面江。
越嶺遠衝飛雨過，海門雄壓怒潮降。
水犀軍罷無強弩，金鯽池荒有舊缸。
濟勝尚欣腰脚健，七層頂上一憑窓。

將入雲棲十餘里，修篁夾路人行綠陰中。
清景獨絕肩輿中，不得曠瞻乃以双輩所乘馬騎而遊。

名藍訪雲棲一徑入，深竹攬雲十萬竿。
夾道森碧玉檀欒，影交橫併作凍雲複。
一片蔚藍天晴霏，霏罨新沐日光午。
不漏似羃方空穀，微風一以吹解簾。
時簌簌我乘巾車行，苦障帷數幅擬彷彿。
賈平章去蓋露頂禿，僮奴下馬。

來勸我騎而鵬果勝四望車空曠豁心目攬轡林筵中
清陰滿山麓馬蹄踏不碎人面映皆綠維時四月初正
抽新篁蠹嫩翠衣欲濡幽芬鼻微觸猶恐傾不盡弗敢
加鞭速十步九遲廻緩于跨鰲鰲人疑老書生鞍馬非
素熟豈知年少時從軍遍荒服振策千山巔快騁追風
足今得款段游早脫塵鞅束寧復誇據鞍聊以抵乘輦
臨風一長嘯響徹簷簷谷

寓西湖十日湖山之游畧遍雜記以詩

足跡半天下西湖夢每牽有山皆老樹無地不清泉昔
到曾三度重來又五年扁郎如舊識迎我瘦筇前
居停借禪榻攬勝有湖樓才退無佳句年衰只近游地

連衣帶水路穩木蘭舟來往從今熟思爲結夏謀
不有空王力湖山孰剔搔半千列羅漢百八吼蒲牢寺
大魔妖伏年深檜栢高儒家空誦佛安有此雄豪
孤山好林館丹碧映清漣暮竹無山鬼春祠有水仙馬
蹄芳草路人語綠楊烟遙想逋翁隱當時尚未然
雨霽波如拭拏舟夜正中天心孤有月水面四無風此
地真難垢吾身已付空始憐塵土夢向日未消融
昔人論勝賞水木最清幽泉有源方活山無樹不肥湍
流喧石瀨濃翠暗林霏此景惟靈隱何須侈鸞飛
南海栢檀像西天梵唄音寺因閱世古佛亦借山靈齋
粥僧千指香資歲萬金是何津筏力天福到如今

雲棲吾未到乍此踏芒鞋十里入深竹一庵依峭崖齋
規平等法物命放生牌何許蓮池老空門另立階
送客風簷嶺談深不覺遙遂令龍井寺遠配虎溪橋韻
事成千古清泉尚一瓢辨才安可得依樣也難描
憶乍迎 鑾歲湖山渲染類至今亭館舊非復畫圖新
鐵點無靈術金剛有壞身佛仙俱望幸何況是齊民

苦雨

江鄉連月雨何日豁重陰不信天真漏幾愁陸亦沉河
通田稜滿沉滑野塍深太息平疇麥黃雲色變黔
誰能不火食偏似禁烟時有粟仍愁餓無薪可具炊割
生豪已滅束濕令難施燒到屢屢盡何曾烹伏雌

偕介眉廷叔立菴曉東望溪小巖香遠保川諸同
人連日看競渡

積雨龍舟競不成金支翠羽枉鮮明天公也恐妨遊戲
特放南薰數日晴

白頭聊作少年狂排日攜尊上畫航世是昇平人老健
可無豪舉逐歡場

珠翠千船澹泊遭共嗤杜牧欠風騷不知老去豪情減
只道看花眼太高

看渡歸來月滿川雨隄燈火沸歌絃吾家水閣雲溪上
壟斷華胥極樂天

舒城題旅店壁

日將沉路難進潯暑中人頭目暈布帘飄處旅店招馱
鈴騎鞭一齊奮到來暫喜息勞筋連計洗塵覓佳醞炊
烟熏屋墨穴黑青蠅成團蚊作陣與夫騶卒紛肩摩咄
咄逼人何太近汗漿迸出葱蒜汁其氣臭於牛馬糞一
笑閒雲野鶴身失足無端落藩溷

不寐

老去無眠夜景清聊營腹稿待天明小鬟曉夢聞呼起
知有新詩枕上成

夜夢從軍爲賊所執不可不死又不能遽自引決
瞿然而悟汗已滿身乃知生平此中未有定力
也

噩夢無端破膽寒
兵氛闌入大槐安
平時每作千秋想
臨事方知一死難
名義重應甘白刃
頭顱痛又覩黃冠
醒來始覺吾生幸
生長昇平免據鞍

壽汪屏周八十

早拋簪紱寄高踪
養福林泉樂事重
四皓班應稱綺季
三多祝已備華封
兒孫問寢須披簿
步履看花不倚筇
最喜稱觴秋正好
金天露浥酒杯濃

四老人同甲會
君生辰最遲

長洲蔣立崖明府最愛拙詩曩曾托杜村中翰具
道企慕之意今遇吾鄉楊充之州牧又囑代致
殷勤其于我可謂癖好矣自惟謏劣愧不敢當
而厚意殊可感也貽之以詩

有此神交蓋未傾一人知己足平生他時不用青蠅弔
此日應先白犬盟多恐推袁非定論得毋慕蘭誤虛名
衰年久擲吟毫禿重爲桓譚剔短檠

頻頻芳訊致纏綿想見殷懷愛我偏賈島豈堪呼作佛
知章竟已許爲仙近來風氣輕前輩老去聲名仗後賢
甚欲與君傾肺腑相期虎阜菊花天

次韻荅吳竹橋別後見寄之作

相思早在十年前邂逅欣歌零露篇綺麗才情徐孝穆
風流人物杜樊川摘詞天上毫猶濕解組林間髮未宣
子晉藏書大癡畫看君欲並昔人傳

附原作

吳蔚光

已久聞名在見前龍騰虎嘯復詩篇獨開生面奇劔
嶂直抒中懷快瀉川筆下竟無堅勿破行間寧有隱
難宣三分鼎足稱袁蔣旗鼓相當盡必傳

壽敬輿內弟七十

金粟香浮介壽卮老人星正耀昌期科深世已稀同輩
官好民猶有去思白雪調高登第谷清風袖少買山資
晚香贏得身長健七十耆齡鬢未絲

世德相承旋馬廳家風顏柳有餘馨弟兄垂老猶同農
子姪從游每執經門第自榮 泥誥紫盤餐仍咬菜根
青卽今鄉國論耆舊誰不靈光仰典型

養閒自署四宜休十笏幽廬傍綠疇恰好才人居北郭

從來老子愛南樓

居城北青山里以少樓爲書室

錦裘有句頻研削細帙無

書不校讐百甕黃虀知未了何疑海屋屢添籌

京華憶共踏槐黃風雨頻年感對牀土銚每同煨楮枮
藜莢不笑食檳榔十年各舞登場袖萬里俱收泛海航
白首弟兄無恙在忍辭引滿醉霞觴

題嶺南物產圖六十二韻

圖爲林元嵩畫梁藥亭有詩今摹本爲吳觀筆

范公誌虞衡稽生狀草木嶺外物產多瑰異駭心目我
昔官其地吏事困案牘但翻城旦書笑暇爾雅讀景色
失交臂自笑吏也俗何期歸田久粵產翻盈籠一帙沒
骨圖歷歷見南隄詩畫兩名家前輩留遺躅彷彿者吳延
陵追摹極繁縟開函首螺貝大小非一族斑斕駢百寶

宛委旋九曲次第到花鳥
暈采炫麗矚馬纓披午風
佛桑映朝旭六出梔子花
梵天號蒼蘂紅蕉宜綺疏
幽蘭稱空谷荔枝及龍眼
珍可薦奩盞赤白兩鸚鵡
慧黠過鸚鵡羅浮五色雀
合隊成錦簇麻姑遺仙裙
化蝶如車輻鷓鴣啼啁
轉翡翠飛熠煜最後蚌吐
珠光搖海波綠伴以珊瑚
枝水底燃絳燭使我冰雪
胸頓起豁豁慙神哉技至
此知費幾管禿黃筌應汗
流徐熙定心服而我撫卷
罷遍翻嶺海錄覺此尚掛
漏試爲數更僕匝地青篲
篲漫山紅躑躅十月開細
梅四季霏丹粟伽楠夜有
光陀利曉逾馥椰子酒滿
杯枕郎麴論斛雷柚大如
瓜扶蔗粗於軸竹一節爲
舟茄三歲出屋柱有蠹堪
貢柑

借蟻並驚媚草情必鍾笑花容可掬蜜有波羅甜綿豈
班枝煥植物既瑰奇飛走更紛郁孔雀彩自炫鵝鵝力
善觸吉了巧能言朱來啼似哭水犀角在鼻石羊膽藏
足果馬三尺高犍牛一峰獨飢蛟猛取虎蚬蛇饒吞鹿
帶箭鳥拖尾吐綬雞贅肉風猊得風活火鼠入火宿下
圭喘瑛倫種類益繁複牡蠣堅築墻蛤蜊賤供載毒瑁
纈紋勻蝦蟇錦襖蹙禾虫汁可羹土蛹乳堪漉嗜蜺或
改名食蠨矢弗告肪嫩柱是瑤腹腴珧名玉西施舌微
吐楊妃乳新浴胸腮紫引長彭亨白出癩蛤蚧脰能鳴
蟾蜍眉有毒虎蛭殼杯深龍鰲鬚杖藟噓氣壁樓幻駕
浪鰲帆速蜈蚣皮輓鼓陀蟬甲拒鏃鯨脊高田邱鱸牙

胸人畜斯皆南海濱陽明所孳育語非齊諧怪事可諾
臯續已入埤雅編何妨畫筭蓄曷不增作圖更寫百十
幅吾當再揮毫倒盡便便腹

題余伯扶孝廉黃鶴樓圖

崔顥題詩處危磯最上頭千秋猶傑句四海一高樓後
世才誰敵先生興獨游遙知豪氣溢俯瞰大江流

錢曙川竹初庵圖景色極芳潤湯樸齋彷彿之爲春

曉圖而貌已像於其中一圖遂作兩人景曙川
不得獨擅其勝矣樸齋索題爲書長句

竹初庵圖本錢家取義竹萌桃始華玉茗主人自寫照
景物乃與之逼肖百株紅蘂浥露嬌千个綠筠得風笑

小橋流水鳴淙淙曲磴懸崖俯危峭試把兩圖相比對
只有主人各風貌其餘設色無釐差雞犬新豐不煩導
門巷青楊接白楊兩家衡宇故相望豈是屋分邱成宅
不然廡賃伯通坊庸知畫筆妙九朽粉本摹來作已有
爲擅唐臨晉帖工幾同李戴張冠走何哉長房縮地法
乃在僧繇寫生手

遊焦山贈巨超練塘兩詩僧

孤嶼中流盡扁舟一纜維有天無地處過暑未寒時乍
到慚生客相迎有導師盤旋雲磴迴百級此探奇
境與世相隔滄波四面澄山如隱君子寺有好詩僧說
法神魚舞安禪怖鷁憑天親與無著相對一寒燈

蒼耳寧愁墮相隨杖錫飛江清天作底山瘦樹爲衣藥
物尋黃獨鐘聲出翠微尙嫌浮玉俗丹碧耀禪扉
山深絕塵跡禪侶似堯簍草苗知更歲花開必作詩幽
居憑鑿翠韻事出披緇享盡清閒福叅寥不自知
頻歲思探勝勞勞未得閒始知一塵海錯過幾名山衰
老遊纔果登臨力已昇何當來結夏長共掩禪關

再題焦山寺壁贈兩僧

滑笏江流去不扃海風吹出一螺青十年來往空相望
今日纔尋瘞鶴銘

修簞密樹綠陰連不着樓臺得自然對面金山太寒乞
傲人生活勝焦先

對他浮玉覺寥蕭
孤貉旁偏立
緼袍齊已
詩篇懷素字

兩僧共占一山高

巨超詩最工
秋曉兼能書

伊蒲留客飫香厨
蔬筍登盤味有餘
我本才非蘇玉局

敢嗔佛印不燒豬

寺中
留飯

叅遍華嚴五十三
老思彌勒結同龕
一庵似怕人來借

先自名呼作借庵

巨超又
字借庵

西干故里

野景農家好
西成候薄寒
晚風牛背笛
秋水鴨羣竿
出樹紅黃綠
村醪苦辣酸
年豐民氣樂
相見勸加餐

湖村

水落溪平長岸痕
爲看紅葉到湖村
漁家兒女風流甚

船尾紛排菊幾盆

大風宿檀溪港

在馬跡山

夜宿檀溪口湖濤怒欲吞老楊維作杙深葦借爲藩浸浪繁星濕淒風古木喧犬聲如豹處翻藉壯驚魂

馬跡山省墓

先塋頻歲別今日手椒漿人老頭逾白秋深葉漸黃鹿行松不觸烏繞樹猶翔幽宅差無憾他年耐壟旁

山行

路尋樵徑躡槎枒山色蒼深夕照斜一樹紅楓全是葉翻疑無葉滿身花

祥符寺

地擅夫椒勝重來杖策登秋山黃葉路古寺白頭僧
穉占高廩琉璃續慧燈前朝留梵莢籤軸至今滕寺有石
德中所

頌全部
藏經

寺樓夜宿

空山一榻借僧寮秋氣澄空正沈寥半夜月明鴉鵲警
九天風急斗星搖詩成枕上催人起夢滿欄前被佛消
聽到曉鐘聲斷處半窻日影上芭蕉

曉渡太湖

曉發夫椒山宿霧散諸嶼風靜浪不興滅盡驚濤險夏
潦茲已落岸蘆露翠剡鼓枻入空明不假峭帆颭天水
共一色纖翳何處染遙舟偶萍波冰壺墨一點人間此

清境偶值吾最忝
汪汪黃叔度能使矜躁歛
平吞雲夢胸豪氣翻自歎

夜歸

暮鴉啼散滿林煙
廿里長河夜泛船
風剪非刀能刮水
月輪無轍自行天
溪橋犬吠鳴榔火
野店人喧賣酒錢
棲畝餘糧收未盡
歡聲滿路說豐年

澄心

澄心觀物化空翳
掃無痕身具小天地
名逾賢子孫老猶薑
有性貧幸菜餘根
鎮日安趺處禪牀
坐欲溫

遣興

湖海人豪氣未除
可憐七尺落蘆廬
漸看名姓沉鄒湛

肯數英雄到本初生也有涯憂不盡古而無死樂何如
海山兜率俱安托頭白惟餘一卷書

戢影菰蒲已廿年流光冉冉到華顛築亭放鶴林和靖
出郭騎驢孟浩然死去知無求傳米生來不乞買山錢
芒鞋竹杖松枝塵自作江湖一散仙

筮屐江村伴老農莫嗤身計太疎慵一生只見甕中粟
舉世爭趨飯後鐘折坂未登車倒退遊山正好日高春
始知馬磨卑棲處少踏人間險幾重

夜行更漏已將殘閱世年深得靜觀不識字人真快活
但求錢處必艱難一裘狐自雄衣桁三韭鮓常富食單
楚相寢邱聊可久兒童忍使試橈竿

寶山黃平泉秀才遠訪草堂枉詩投贈又出其舊
題子才心餘及鄙人詩以見平日瓣香所托雅
意愧不敢當敬次奉荅

遠在高山過所望草元人老已郎當猥充鼎足三分數
豈有毫端萬丈光耳食或傳薑在樹毛吹并議菊無香
虛懷誰似黃雙井欲向蹄涔泊海航

附
原作

黃燮鼎

三家詞壘屹相望旗鼓中原孰對當天許諸公扶大
雅人從片牘借餘光祇應味外還尋味如在香中不
覺香我恨未除烟火氣神山可見海難航

論詩

國朝集 卷三
着色原資妙選材也須結構匠心裁可憐絕艷芙蓉粉
塗在無鹽臉上來

課兒輩

衰老無堪述清貧詎有貽惟將前輩事說與後生知家
法恬侯傳官箴聲叟詩簾金定何物徒益汝曹癡

汪屏周二尹買菊作花當招同宜莪士檢討楊恒
夫明府及蓉溪霖岩學晦緘齋諸人讌集凡八
十以上者五人餘皆七十以上余年六十七得
與焉立庵更小於余再後至以求座讓之舍座
十人共七百七十歲鄉社中盛事也不可無詩
汪倫大耋猶蹢躅菊花排格開長筵老人愛老邀老伴

鬢眉白映紅茸氈首座宣公八十四其餘次第差隨肩
共年七百有七十坐以齒序爲後先若教併作一人壽
已在北宋熙豐前是時滿室明燈燃燈光花光相新鮮
因聾倍作大聲語有瞽不碍捷鬪拳蔡溪稍覺寐若
盲而能賭酒嘉肴雜
陳飯能健畫燭已虺坐尙堅旁人勿怪太嬰鑠不爾何
以能華顛古來安期浮邱輩只在塵世非在天吾曹倘
傳入圖畫安知後不驚爲仙賤子未及古稀歲殷兄張
丈殊相懸故事叨援洛社例附庸俾得隅坐偏無端蔣
詡最後至末席不免爲之遷累我溫公做不得百杯罰
此惡少年

野藪

菜根風味出江村
恰稱田家老瓦盆
辣玉甜冰常饌足
不知世有乳蒸豚

楊誠齋以蘆菹爲
辣玉甜冰爲甜冰

曉東小巖香遠邀我神仙館
午飯至則坐客已滿
再往半山玉流諸館亦然作詩誌感

歸田二十年市脯未入腹
吾友貪養頤誘我作近局云
有神仙館珍味擅所獨
炙醢武火煎炊餅熟嫩尤推
魚頭羹遠追宋嫂躡老饕
一念差隨之走坊曲酒肉氣
熏人未到鼻已觸入門擬大嚼
座客乃滿屋縱橫數十筵
無隙可布褥見我傲不禮
噴而睥其目彼既佔地先
吾敢下令逐王式本不來受此
驪駒辱一笑舍之去再
歷館五六喧擠聲一樂並少席
半幅歸來忽長嘆茲乃

無底谷一館百十人各破牀頭簾館館盡如斯口費錢
幾斛自非物力豐曷此肴饌鬻君不見古來饑荒載篇
牘水擷鳧茨野采蕮園城易于薪析骸屠肆賣妻格懸
肉履拆牛革燂湯臭壁搜鼠穴熏烟毒斯時閭閻景可
知市有醉人已奇福睹茲餽噉糜金錢足見昇平調玉
燭已幸生遭繁盛時惜無力挽奢靡俗

泊舟金山下宿

孤嶼中流絕四隣浮空丹碧潔無塵山懸江洗磯千尺
水與天分月兩輪梵界真成清淨地僧窓靜閱往來人
只嫌佛印燒豬事似爲東坡玉帶珍

渡江

復此橫江渡荒郊落木時
關山秋滿眼風露曉侵肌
白小鮮宜汁黃團風有脂
豐年光景好比戶總恬嬉
一棹滄波晚孤征未息勞
江聲連日壯山骨入秋高
路熟輕風浪年衰感髣毛
往來何僕僕慚對廣陵濤

感事

炎風朔雪兩相更費盡人間幾送迎
鄒忌妻孥工媚語翟公門巷見交情
尺波將涸魚先散一骨纔投犬共爭
笑把陳編按時事層層棋譜在楸枰

雜書所見

我詩愛人讀好友來激賞對我長吟之
快若搔背癢可惜我讀古人詩古人不見我
荆掌乃知相需殷相遇偏

多爽九原弔隨會不聞鬼咎響峴碑淚空墮叔子已長往所以虞仲翔生前每切知已想

偶得一奇聞如獲珠滿斛豈知博學人胸中已爛熟君不見瑯琊稱十歲兒已腹笥蓄又不見金根車名父之子猶誤讀乃知太倉一稊海一粟論衡未可矜秘牘猿豈無樂時鴉亦有喜處只因其聲似哀怒遂使人人悲且惡君不見潘安仁恬退賦閒居難掩拜路塵又不見蘇子卿風流娶胡婦寧玷志節貞丈夫自立貴有素身名成敗非旦暮

羽族色一定千古不改易卵生歲歲增烏黑鵠必白蹄者則不然父子或各殊犂牛出駢角白牡生驪駒乃知

本乎天者有一定落地便多雜氣勝光音天人不肯食
地肥只爲保他本來淨

物生有限制傳翼者兩足蜻蜓乃倍之翼四足則六是
宜橫四海瞬息千里速胡爲欸欸飛竟不踰牆屋輕只
立釣絲捷但點波縠乃知技雖多早爲器所局鶻鳩且
自搶枋榆燕雀勿輕慕鴻鵠

錢鏐照石鏡見已如王侯遂渡江討逆雄霸十四州傳
國及數世英名至今留吳曦出獵歸月中有人揖遂發
南面想叛降覬冊立一旦安丙來頸血歐刀濕或謂有
先幾鬼神實導之而我不謂然視其所自爲使鏐乘亂
起閉門作天子安知杭州城不作董昌死使曦效忠勤

聲援淮泗軍百年忠孝家茅土豈不分乃知雖有富貴
命亦須順受得其正

倪迂本豪富名園擅清閼預知世將亂盡把旧宅棄同
時顧阿瑛雄貲甲江滌後竟以金多遷籍中都地人謂
玉山癡不如雲林智豈知老無歸客死鄒氏第彼徒鳳
陽者亦不過如是財多固難守禍至亦難避君子素位
耳毋爲自岸異

少時不敢望六十今我過此願轉賒乃知切已處貪癡
老愈加君不見白首種松期偃息後來未覩千霄色又
不見九十食柑種其核種成又得十年食由來修短非
人工莫拋現在期無窮

松坪見余近詩以爲不如舊作深荷良友規益而
精力日衰不能副所望書以誌愧

老尙作詩人已貽士林辱詩人亦不成致煩良友勗枉
期精進幢已入倒廻谷聞言汗自泚擬更下帷讀笑撫
白髭鬢老矣中書禿

前輩商寶意嚴海珊袁簡齋諸公詩久已刊布近
年來盧抱經王西莊錢竹汀考古之書及吳白
華趙璞函顧晴沙蔣心餘張瘦銅王穀原錢鐸
石王述菴吳穀人詩文亦先後刻成羅列案頭
足資欣賞率題四律

插架新編燦列眉一堂風雅總吾師臨流欲唱公無渡

及席先愁某在斯此事不關官大小斯文眞繫世興衰
許燕手筆高岑調都是開元極盛時

如此褻區十數人可憐力已竭爭新一時尙恐遭揚解
他日知誰更積薪豪傑不歸文苑傳聰明都用宰官身
故應河嶽英靈氣不在區區大雅輪

論交竊幸及諸賢酒海花天共擘箋標榜耻爲前七子
精神各注後千年鬢眉把卷如重對風雨聯牀已獨眠
不覺又增存歎感關河雲樹墓門烟

汗馬無功且汗牛又增滄海幾浮漚縱教後輩能饒舌
敢禁斯人不出頭已覺通都增紙貴願聞賈舶出金求
中華文字難通處還有人間大九州

到揚州未堂西巖松坪既堂春農暮青連日邀作

近局詩以誌好

到處筵欵近游又將口腹累揚州二分明月本無賴
七十老翁何所求竿木逢場聊戲劇籃輿扶路亦風流
江鄉此會非容易館閣晨星七白頭

李嗇生郡博令孫週昨適侍御王立人過訪立人
年五歲時隨其祖教授公在此官舍讀書今五
十七年重來似爲嗇生孫發兆是可賀也

昨盤喜溢冷官衙預卜孫枝發跡賒繡斧人來初地感
提戈兒正後堂譚茂羅接武同佳話王李論文總大家
看取庭前一枝桂後先相映燦奇花

近局之會諸公皆有詩見和再次奉酬

近局頻招款段游不愁無蟹有監州酒狂偏有人多酌
口實寧煩我自求味選八珍牙箸奮令行三雅羽觴流
留髡履舄歡何極況聽清歌菊部頭

松坪處凡
兩次剗刺

王少林太守自寶應來并入近局再登奉贈

正思訪戴汜湖游意外相逢在此州人似雪鴻踪偶過
天教風虎氣相求政聲久已傳三異學術還驚貫九流
恰好敦盤聯勝侶待君領袖作遨頭

第四會再登前韻

林下雖聞尚貴游襄陽耆舊勝他州

林下有盤關六七
人惟揚州爲然

得從撰

杖已多幸如此盍簪何處求詩比西崑還綺麗人如東

晉總風流便應彷彿作香山畫速倩添毫顧虎頭

王少林舊爲陳玉亭制府屬吏具述玉亭最愛拙
詩嘗誦余送其出守有市虛何客過廉頗延辨
惟君是魏其之句蓋昔與玉亭同值軍機余爲
入中傷被擯輟直玉亭獨爲不平故詩中及之
事隔三十餘年此詩亦已刪却不復記憶因少
林轉誦不覺前塵影事重觸於懷而玉亭緣事
見法老母幼子流落無歸尤可傷痛爰補綴舊
句哭之想少林亦同此感也

祖道東門句已刪前塵振觸淚痕斑豈堪鶴唳華亭後
重憶鵝行鎖闥間垂死故人傷白髮未歸新鬼哭青山

生平鮑叔能知我曾護雞鳴夜度關

賈豎爭言彼一時秋風吹落燕巢危市虛何客過

平聲廉

頗廷辨惟君是魏其今日翻輸三黜幸何年得釋九原
悲傷心家破身亡後客裏衰親塞外兒

都亭當日餞行輶從此車前擁八騶才望共傳名父子

官階將繼富民侯

尊人文肅公
官大學士

誰知平步青雲脚翻送焚香

絳帕頭我是故人君故吏豈勝話舊涕橫流

近局將遍計日言旋再疊留別

郇廚享遍快清游計日回帆過潤州老矣詩難擲甲戰
歸哉富豈執鞭求柳殘隋苑寒猶折水落邗江澹不流
預訂明年看花會又煩春甕倒牀頭

王樓村先生十三本梅花書屋圖爲其曾孫少林

賦

十三本梅繞書舍樓村夢久傳佳話我昔曾讀初白詩
知是鴻臚禹鼎畫今遇文孫始見之三尺素練色不壞
綠萼六株紅七株屋後屋前各分界恍遊雪夜紅羅亭
不作月明縞衣怪樓村本是梅花仙百花頭已符靈籙
一十三本是何兆其應當在世澤延松十八公介圭錫
竹一束策藁榜懸易于賜粒三十六三刀作州興呂虔
訊之占夢歷有據披圖可悟祥徵先君家故事吾能說
文采風流自古昔巾箱家學七葉中人人有集光史冊
墨寶况蓄高曾書二十七人總名蹟所以瑯琊族望高

馬糞香過龍涎炙卽如此圖失楚弓復有後賢返趙璧

圖已失矣步林重麻得之足知繼起代有人還似烏衣世裾屨嗚呼魏徵

宅費官錢贖梁公像向武襄鬻幾家故物能長留守器

今推王氏獨此屋雖遲築室謀少林擬仿圖作屏以寶之此梅已協植槐

卜

寄壽管松崖漕帥六十

轉漕功高佐國均稱觴喜氣溢軍民少爲翰苑文章伯
老作朝家柱石臣片檄風行千部肅太倉粟過九年陳
崇勲景福真相稱金紫官階髣未銀

使旌三度莅江城敷歷功深秩上卿天爲千艘春水發

自公昔漕後連

歲春水早發

人知兩袖素風清銅符管到枌榆社圭瓚榮

垂竹帛名雖荷買鄰難洽比公方霄漢贊昇平

近買宅盤與余作隣

靜觀

茵溷花分總宿因求仙學佛枉勞神誰非死後無名鬼
我已生前有福人安享昇平將到老粗完婚嫁不憂貧
流傳他日應爭羨容易書生自在身

麗川中丞奉使過分水舖定山東江南洋面有觀
海詩次韻奉和

混茫無涯絕飛鳥滄溟安有道里表中丞明過分水岸
齊尾吳頭一目了抽刀斬水水不斷設界洪濤枉自攪
却從陸地指羅針一線遂達扶桑渺直於鰲背劃龜紋
墨食痕清不糾繞是時紫潒波不揚決背雄觀極天杳

三神山豈遐九雲夢猶少萬里澄鮮盪胸皎老龐一口
吸西江對公尙覺神通小

附
原作

奇豐額

空空六合絕飛鳥望洋望見天之表乾坤大半多空
閑到此人間諸事了乃知天外更無天欲覓蓬萊先
自擾佛氏鐵船事未真神仙玉宇終縹緲東海類推
四海同何須遍歷徒盤繞君不見蒼龍退避巨鰲沉
蛟宮寂寞星槎杳黑水多白水少只有日輪光皎皎
我來眼界已全空回頭但見人皆小

圍爐

頭腦冬烘一腐儒怕他冰雪冷侵膚平生性不因人熱

老反趨炎附火爐